

**SOALAN LAZIM (FAQ)  
BANTUAN RAKYAT 1MALAYSIA (BR1M) 2017**

**SKIM KHAIRAT KEMATIAN (SKK)**

- 1. S: Siapakah yang layak menerima Skim Khairat Kematian (SKK)?**  
J: Penerima BR1M 2017 bagi kategori isi rumah dan warga emas yang meninggal dunia dalam tempoh 1 Januari 2017 sehingga 31 Disember 2017.
- 2. S: Siapakah waris yang dibenarkan / layak untuk membuat tuntutan SKK BR1M 2017?**  
J: Waris yang layak didaftarkan oleh penerima di Bahagian D (Maklumat Waris) pada Borang BR1M 2017 mestilah terdiri daripada hubungan berikut:  
i. Ibu / Bapa  
ii. Pasangan  
iii. Anak  
iv. Adik-Beradik
- 3. S: Berapakah had umur untuk melayakkan seseorang menjadi waris?**  
J: Tiada had umur kelayakan seseorang untuk menjadi waris kepada penerima BR1M 2017.
- 4. S: Bagaimanakah pembayaran SKK dibuat?**  
J: Pembayaran SKK boleh dituntut di mana-mana cawangan Bank Simpanan Nasional (BSN).
- 5. S: Apakah dokumen yang perlu dibawa oleh waris semasa tuntutan SKK di BSN?**  
J: Dokumen yang perlu dibawa oleh waris yang didaftarkan adalah:  
i. Sijil Kematian Asal penerima  
ii. Kad Pengenalan Asal waris  
iii. Dokumen Pertalian antara waris dan penerima mengikut jenis hubungan seperti berikut:  
a) Ibu / Bapa – Sijil Lahir Penerima  
b) Pasangan – Sijil Nikah / Sijil Perkahwinan  
c) Anak – Sijil Lahir Waris  
d) Adik-Beradik – Sijil Lahir Penerima dan Sijil Lahir Waris

6. **S: Saya bukan warganegara Malaysia tetapi menetap di Malaysia, adakah saya layak didaftarkan sebagai waris?**
- J: Ya, jika anda bukan warganegara Malaysia dan menetap di Malaysia, anda layak menjadi waris sekiranya hubungan anda dan penerima adalah terdiri daripada ibu / bapa / pasangan / anak / adik-beradik yang menetap di Malaysia.
7. **S: Berapakah jumlah SKK yang akan diterima?**
- J: Waris akan menerima sebanyak RM1,000.

### **PENUNAIAAN BR1M 2017 OLEH WAKIL DAN TUNTUTAN SKK OLEH WARIS**

8. **S: Sekiranya penerima masih hidup tetapi uzur / kurang upaya / sakit berpanjangan atau mempunyai halangan untuk membuat penunaian BR1M di BSN, siapakah wakil yang dibenarkan untuk membuat penunaian berkenaan bagi pihak penerima BR1M 2017?**
- J: Waris yang didaftarkan di Bahagian D (Maklumat Waris) pada borang BR1M 2017 juga boleh bertindak sebagai wakil dalam membuat penunaian BR1M 2017 bagi pihak penerima.
9. **S: Apakah dokumen yang perlu di bawa semasa mewakilkan penerima bagi penunaian / membuat tuntutan BR1M 2017?**
- J: Dokumen yang perlu dikemukakan oleh wakil / waris adalah seperti berikut:
- i. Baucar / Surat Makluman LULUS BR1M 2017 asal penerima
  - ii. Kad pengenalan (asal dan salinan) penerima
  - iii. Kad pengenalan (asal dan salinan) wakil
  - iv. Dokumen pertalian mengikut jenis hubungan waris dan penerima (asal dan salinan):
    - a) Ibu / Bapa: Sijil Lahir Penerima
    - b) Pasangan: Sijil Nikah
    - c) Anak: Sijil Lahir Anak
    - d) Adik-Beradik: Sijil Lahir Penerima dan Sijil Lahir Adik-beradik
  - v. Dokumen sokongan yang mana berkaitan:  
Surat Penjara / Surat Hospital / Surat pengesahan daripada Jabatan Kebajikan Masyarakat (JKM) / Bukti berada diluar negara kerana menjalankan tugas.
10. **S: Bolehkah saya mewakilkan penerima BR1M 2017 sekiranya penerima tidak mendaftarkan maklumat waris pada borang BR1M 2017?**
- J: Tidak.  
Waris yang telah didaftarkan oleh penerima di Bahagian D (Maklumat Waris) Borang BR1M 2017 sahaja yang boleh mewakilkan penerima.

- 11. S: Apakah tindakan yang perlu diambil sekiranya maklumat waris / wakil (nama / no. pengenalan) yang telah didaftarkan salah?**
- J: Anda perlu mendapatkan surat pengesahan nama / no. pengenalan waris di Cawangan / Pusat Khidmat Hasil (PKH) / *Urban Transformation Centre* (UTC) LHDNM yang berhampiran sebelum hadir ke BSN untuk penunaian / tuntutan SKK BR1M 2017.
- 12. S: Apakah tindakan yang perlu diambil sekiranya waris / wakil yang telah didaftarkan meninggal dunia?**
- J: Tindakan yang perlu diambil adalah seperti berikut:
- i. Sekiranya tempoh permohonan masih belum ditutup, anda perlu mengisi semula borang permohonan BR1M 2017; atau
  - ii. Sekiranya tempoh permohonan telah ditutup, anda perlu mengisi borang kemas kini maklumat waris (BK-20); dan
  - iii. Kemukakan ke Cawangan / Pusat Khidmat Hasil (PKH) / *Urban Transformation Centre* (UTC) LHDNM yang berhampiran.
- 13. S: Apakah tindakan yang perlu diambil sekiranya penerima telah meninggal dunia dan waris asal yang didaftarkan tidak boleh menuntut bagi pihak penerima kerana mempunyai masalah kesihatan / hubungan / berada di luar negara?**
- J: Waris asal yang masih hidup perlu memberi keizinan pertukaran kepada waris baru. Waris baru boleh membuat kemas kini maklumat waris dengan mengemukakan surat keizinan pertukaran waris daripada waris asal. Hubungan waris baru yang dibenarkan adalah terhad kepada ibu / bapa / pasangan / anak / adik-beradik.
- 14. S: Bolehkah saya mewakilkan penunaian BR1M 2017 bagi penerima yang bekerja / menetap / belajar di luar negara semasa tempoh pembayaran?**
- J: Tidak. Bagi individu yang bekerja / menetap / belajar di luar negara tidak layak untuk menerima BR1M 2017.
- 15. S: Bolehkah saya mewakilkan penunaian BR1M 2017 penerima yang telah menghilangkan diri?**
- J: Penunaian hanya boleh dilakukan oleh wakil yang berdaftar sahaja oleh pemohon di Bahagian D (Maklumat Waris) Borang BR1M 2017. Wakil perlu kemukakan:
- i. Baucar / Surat Makluman LULUS BR1M 2017 asal penerima
  - ii. Kad pengenalan (asal dan salinan) penerima
  - iii. Kad pengenalan (asal dan salinan) wakil
  - iv. Dokumen pertalian antara waris dan penerima (asal dan salinan)
  - v. Laporan Polis berkenaan pemohon menghilangkan diri

16. **S: Bolehkah waris membuat penunaian / tuntutan BR1M 2017 bagi penerima BR1M 2017 yang telah meninggal dunia sebelum atau pada 4 Disember 2016?**
- J: Waris tidak boleh membuat penunaian atau tuntutan BR1M 2017 bagi pihak penerima. Ini kerana penerima telah meninggal dunia sebelum tempoh pendaftaran BR1M 2017 dan tidak layak menerima BR1M 2017.